

UGOVORNE STRANE:

JKP „Komunalac“ d.o.o. Hadžići, ul. Žunovačka br.4., 71240 Hadžići, JIB: 4200332740001, PDV: 200332740001, transakcijski račun: 3389002207936902 kod UniCredit Bank dd Sarajevo, MBS: 65-01-0594-12, Općinski Sud u Sarajevu, koga zastupa direktor Irfan Čović, (u daljem tekstu: Davalac usluga)

i

Javna ustanova Osnovna škola „Hilmi ef. Šarić“ Tarčin, ul. Civilnih žrtava rata br. 36, 71 244 Tarčin, JIB: 4200228050003, koga zastupa direktorica Bajrić Zineta (u daljem tekstu: Korisnik usluga),

Sporazumno su dana 21.03.2023. godine, (veza Zahtjev br. protokola: 1325-I-08/23 od 21.03.2023. godine), zaključile sljedeći:

UGOVOR

O ISPORUCI VODE ZA PIĆE I ODVOĐENJU OTPADNIH VODA

I-PREDMET UGOVORA

Član 1.

Predmet ovog Ugovora je snabdijevanje vodom za piće sa vodovodnog sistema „Tarčin“ i odvođenje otpadnih voda za objekat Javne ustanove Osnovne škole „Hilmi ef. Šarić“ Tarčin za područnu školu „Korča“, izgrađen na adresi Korča br. 10, 71 244 Tarčin, a čiji vlasnik je Korisnik usluga.

Ovim Ugovorom utvrđuje se:

- isporuka i način utvrđivanja isporučenih količina vode,
- odvođenje otpadnih voda,
- ispostavljanje računa,
- plaćanje,
- druga međusobna prava i obaveze ugovornih strana u vezi sa isporukom i snabdijevanjem vodom za piće.

II- OBRAČUN I NAČIN PLAĆANJA

Član 2.

Isporučena količina vode biće utvrđena na osnovu mjerenja količine protoka vode na mjernom instrumentu (vodomjeru) Korisnika usluga.

Član 3.

Ugovorne strane su saglasne da Davalac usluga Korisniku usluga isporučene količine vode obračunava na sljedeći način:

- ugovorena potrošnja do 30 m³ mjesečno po važećem cjenovniku Davaoca usluga,
- količine vode veće od ugovorene potrošnje po važećem cjenovniku,
- količine otpadnih voda obračunavaće se u istoj količini kao i obračunata količina vode.

Član 4.

Davalac usluge dužan je na podoban način (putem sredstava javnog informisanja, internetom, promotivnim materijalima i sl.) objavljivati podatke o važećem cjenovniku i tarifnom sistemu, te načinu i uslovima plaćanja komunalne usluge.

Član 5.

Ukoliko dođe do kvara na vodomjeru ili neispravnosti vodovodnih instalacija, utvrđivanje količina isporučene vode za obračunski period vršit će se na osnovu postojeće zakonske regulative.

Član 6.

Obračun i fakturisanje vršit će se mjesečno na osnovu očitavanja utroška vode na mjernom mjestu. Računi će biti dostavljeni na adresu Korisnika usluga, Korča br. 10, Tarčin.

Član 7.

Ukoliko Korisnik usluga ne izvrši plaćanje ispostavljenog računa u zakonom predviđenom roku, Davalac usluge će:

- tražiti naknadu za isporučenu komunalnu uslugu saglasno utvrđenoj cijeni komunalne usluge, a u skladu sa odredbama tarifnog sistema,
- platiti Davaocu usluge troškove komunalne usluge na način i u rokovima utvrđenim ugovorom, a prema tarifnom sistemu i važećem cjenovniku,
- ukoliko Korisnik usluge ne plati troškove iz stava 2. ovog člana, dužan je omogućiti Davaocu usluge pristup instalacijama radi isključenja Korisnika usluge iz vodovodnog sistema,
- ukoliko Korisnik usluge onemogući pristup instalacijama građevini ili u privatnom imanju u krugu građevine radi isključenja Korisnika usluge iz vodovodnog sistema Davaoca usluge, rješenje za ulazak donosi po hitnom postupku nadležna općinska služba za komunalne poslove po prijavi od strane Davaoca usluge,
- u slučaju nemogućnosti ulaska u privatno imanje, objekat, stan/poslovni prostor sa rješenjem nadležne službe iz stava (4) ovog člana, rješenje se izvršava po pravilima prinudnog izvršenja rješenja, po službenoj dužnosti, primjenjujući načelo hitnosti postupka, u skladu sa Zakonom o upravnom postupku,
- naplatu tražiti putem suda, sa obračunom kamata i sudskih troškova.

Član 8.

- (1) Korisnik usluge ima pravo reklamacija na ispostavljeni račun koji ne odgađa rok plaćanja računa,
- (2) Reklamacije na ispostavljene račune podnose se pismenim putem u roku od 15 dana od dana prijema računa,
- (3) Davalac usluge dužan je u roku od 30 dana od dana prijema reklamacije ispitati njenu osnovanost i korisniku usluge dati odgovor,
- (4) Ukoliko je reklamacija osnovana Davalac usluge će naknadno izvršiti korekciju zaduženja korisnika usluge.

III-VIŠA SILA

Član 9.

- (1) Odredbe o obavezama i odgovornostima Davaoca usluge u vezi sa isporukom komunalne usluge ne primjenjuju se za vrijeme više sile i drugih vanrednih okolnosti.
- (2) Pod višom silom smatraju se svi događaji i okolnosti koje, da su i mogle biti predviđene, ne bi mogle biti spriječene i na koje se ne može uticati, umanjiti ih, ukloniti ih ili ukinuti njihovo djelovanje, a to su: elementarne nepogode, trajnije suše, poplave, potresi, epidemije, sabotaže i dr.

IV-OSTALE ODREDBE

Član 10.

Davalac usluga se obavezuje da na zahtjev korisnika usluga izađe na lice mjesta, utvrdi i otkloni kvarove na vodovodnim instalacijama, koje su u njegovoj nadležnosti.

Ako je do oštećenja ili kvara mjerne garniture i instalacija došlo zbog greške korisnika, troškovi opravke ili zamjene vodomjera padaju na njegov teret.

Korisnik komunalne usluge dužan je:

- a) Racionalno koristiti vodu za piće, a posebno u vrijeme nestašice vode ili u drugim vanrednim prilikama,
- b) Obavjestiti Davaoca usluge o uočenom kvaru na vodovodnoj i kanalizacionoj mreži,
- c) Poštovati zakonom propisane zaštitne mjere za izvorišna područja, odnosno ne vršiti aktivnosti koje mogu prouzrokovati štetne uticaje na kvalitet vode za piće,
- d) Unutrašnje vodovodne instalacije i vodomjerno okno održavati u stanju funkcionalnosti,
- e) O svom trošku na unutrašnjoj instalaciji ugraditi uređaj za zaštitu povratnog toka vode iz unutrašnje instalacije u javnu vodovodnu mrežu,
- f) Dopustiti nadležnim službama Davaoca usluga pregled i nadzor nad unutrašnjim instalacijama Korisnika usluga, a naročito u slučaju moguće prijetnje ili nastalog zagađenja vodovodne mreže,
- g) Dozvoliti Davaocu usluge uzimanje uzorka vode iz unutrašnjih vodovodnih instalacija u svrhu kontrole kvaliteta vode.

Član 11.

Ovim Ugovorom otpočinje korištenje usluga iz predmeta Ugovora.
Ugovor se zaključuje na neodređeno vrijeme sa primjenom od 21.03.2023. godine.

Član 12.

Obavezuje se Korisnik usluga da u slučaju namjere prestanka korištenja usluga Davaoca, o tome obavijesti Davaoca usluga najkasnije sedam dana prije prestanka korištenja.

Član 13.

Na sve odnose i institute koji nisu uređeni ovim Ugovorom, a proisteknu iz njegove primjene koristiće se odgovarajuće odredbe Zakona o obligacionim odnosima.

Član 14.

O eventualnim spornim pitanjima proisteklim iz ovog Ugovora, ugovorne strane voljne su dogovarati se, a u slučaju nepostizanja dogovora, sporna pitanja rješavaće pred nadležnim Sudom u Sarajevu.

Član 15.

Potpisom ovog Ugovora, ugovorne strane se obavezuju da u cjelosti prihvataju odredbe Uredbe o opštim uslovima za snabdijevanje vodom za piće, obradu i odvođenje otpadnih i atmosferskih voda (Službene novine Kantona Sarajevo, broj 22/16).


Član 16.

Ovaj Ugovor je sačinjen je u 4 (četiri) istovjetna primjerka, jedan primjerak se dostavlja Korisniku usluga, a tri primjerka ostaju kod Davaoca usluga.

ZA KORISNIKA USLUGA


za Bajrić Zineta

ZA DAVAOCA USLUGA


Irfan Čović, dipl. pravnik
Broj: 1325-II-08/23
Hadžići, 21.03.2023. godine

